

**Erngup nukingata nukissiornermut atorneqartarnera pillugu Inatsisartut inatsisaannik
allannguineq pillugu Inatsisartut inatsisaat**

(Akuersissuteqarnermut piumasaqaatinut aamma atuinissamut akuersissutit atuuffissaannut
iluarsiissutit)

§ 1

Erngup nukingata nukissiornermut atorneqartarnera pillugu Inatsisartut inatsisaat nr. 5, 27.
novembari 2018-imeersoq imatut allannguuteqartinneqassaaq:

1. § 5, imm. 3 imatut oqaasertalerneqassaaq:

”Atuinissamut akuersissutit ukiut 60-it tikillugit atuuttussanngorlugit
nalunaarutigineqartassapput, taamaattorli tak. § 14, imm. 2-4. Piffissaliussassaaq inatsimmi
matumani § 6 a naapertorlugu naatsorsorneqassaaq.”

2. § 6, imm. 3 imatut oqaasertalerneqassaaq:

”Naalakkersuisut immikkut ittunik atugassaqartitsillutik imm. 1-imi piffissaliussat marluusut
sivitsorsinnaavaat.”

3. § 6-ip kingorna una ikkunneqassaaq:

” **§ 6 a.** Erngup nukinganik isumalluutitik atuinissamut akuersissutip sivilissusissaa, § 5,
imm. 1 naapertorlugu Naalakkersuisunit nalunaarutigineqartoq, piffissamit erngup nukinganik
innaallagissiorfiup sananeqarluni aallartiffianiit atuuttussanngortinneqassaaq.

Imm. 2. Erngup nukinganik innaallagissiorfiup sananeqarluni aallartinneqannginnerani
nalunaarusiat uppersarsaatillu piumasarineqartut suliarineqassapput, aammalu
Naalakkersuisunit akuerineqassallutik.

Imm. 3. Erngup nukinganik isumalluutitik atuinissamut akuersissut nalunaarutigineqarpat,
kisiannili pisinnaatitaaffimmik pigisaqartup nalunaarusiat piumasarineqartut akuersissutip
nalunaarutigineqarneraniit ukiut tallimat qaangiutsinnagit akueritissimanngippagit,
Naalakkersuisut atuinissamut akuersissut utertissinnaavaat.”

4. § 11, imm. 1 imatut oqaasertalerneqassaaq:

”Naalakkersuisut akuersissuteqarnermi atugassarititaasunik, aammalu pisinnaatitaaffimmik
pigisaqartup sulisartunik najukkaneersunik atuinissaanut aalajangersakkanik
aalajangersaasinnaapput.”

5. § 19, imm. 3 imatut oqaasertalerneqassaaq:

” *Imm. 3.* Imm. 2 naapertorlugu tunisassiornermut sanaartornissamullu pilersaarutit
akuerineqarnerinik nalunaaruteqartoqannginnerani, isumannaassuseq, peqqissuseq,
avatangiisinik illersuineq inuiaqatigiinnilu pijuartitsineq eqqarsaatigalugit sanaartornerup
nukissiornerullu isumannaatsumik ingerlanneqarsinnaaneritut, aammalu tunisassiornerup

inermik milluaavimmik pitsaanerpaamik atuilluni ingerlanneqarsinnaaneranut
uppersaatinik tunniussinisaanik Naalakkersuisut pisinnaatitaaffimmik pigisaqartoq
piumasaqarfigisinnaavaat, tak. § 1, imm. 2.

6. § 19, imm. 4-tut una ikkunneqassaaq:

”Naalakkersuisut imm. 3 naapertorlugu uppersaatinut akuersissummik nassiussinisaat
sioqqullugu atuinissamut akuersissuteqartoqarnissaaq qinnuteqaat nassiunneqarsinnaavoq.
Naalakkersuisut atuinissamut akuersissut, akuersissummik pigisaqartup piareersaataasunik
suliaqarnissaanut akuersissuteqarfiusoq nalunaarutigisinnaavaat, kisiannili uppersaati,
imm. 3-mi taaneqartut akuerineqaqqaartinnagit, erngup nukinganik innaallagissiorfiup
sananeqarnera aallartinneqarsinnaanngilaq, tak. § 6 a, imm. 2.”

§ 2

Inatsisartut inatsisaat atuutilersinneqarpoq 1. januaari 2027-mi.

Namminersorlutik Oqartussat, ulloq 10. August 2026

Naalakkersuisut Siulittaasuat